

靈寶無量度人上品妙經卷之六十 卅

鍊氣變仙品

道言昔於始青天中碧落空歌大浮黎土受  
元始度人鍊氣變仙超神上清之品元始天  
尊當說是經周廻十過以召十方始當詣座

天真大神上聖高尊妙行真人十方鍊氣變  
仙生神道君化骨住命功曹天吏主錄仙名  
應真得度鍊氣變仙無量度人諸天大神無  
鞅數衆御氣而來其氣徘徊非空非有非形  
非色混洞無極雲霞霄霧難喻其體九色不

定乍光乍明或絳或青煥爛九空映耀三界  
自非諸天神靈靈華仙雲瑞彩之可比類發  
於元始王京翠房洲岩冥寔之中靡靡布散  
中有百千無量光景各現丹與綠輦羽蓋瓊  
輪龍旌鳳軒夜光神馬九絕猛獸玉蕤停空  
紫蓋高隆流精玉光浩氣鬱勃洞煥太空三  
日三夜諸天日月星宿垂象之輪金璣玉關  
瑤樞寶纂靈網雲域宿舍絳岐一時運動行  
度流移不與常等是時天司上官主典掾司  
各守輪轂推紐轉括不能循軌以應常次咸

靈寶度量上人妙經

各驚駭而相謂言是何瑞因觀此奇變即建  
天鼓以候斗車鳴鼓九通下觀玉京之傍一  
十二山靈海碧濤神津潮應龍虯出沒其聲  
沸雷大淵汪洋消流湮汨不與天鼓鳴時機  
會相應諸天帝宮未識何緣以致斯異  
簿籍默會簡籙將詣帝臺質其所疑速命威  
神分雲拂途攝炁治道驂駕龍虎秉執旌旗  
時未當行神煙四起天風洒灑三辰迴照妙  
炁澄廓方輿圓蓋左行右旋天籟揚音洞歌  
宛奏千界流光八竈高樂靜觀群真咸得侍

卷第十六

座元始天尊玄坐虛浮紺碧蓮花之上其花  
萬葉藥珠周繞一葉下廣遐覆一天一藥之  
珠各現金色天妙世界一一界中各有天仙  
帝王首冠寶華衣搖仙彩乘鶴駕鸞往來無  
礙於此蓮榦明如水晶其直參空根蟠玉海

宮十

圓徑萬里中有寶樓琛闕瓊宮瑰殿層疊鬱  
我所現靈觀不可思說及以比量以近言之  
猶於太倉遙瞻積粟元始天尊安坐蓮花下  
觀諸天而是身相大小齊等不有偏陷說經  
一遍諸天大聖同時稱善是時一國男女身

靈寶度量上人上品妙經

光影相互涉入說經二遍神現無極玉京  
崑崙等一塵芥無有限際說經三遍萬象群  
類一時同聲讚歎經法清詠道真說經四遍  
上清九空三萬六千日月一時同明九陰腐  
骸未度之骨還起成人說經五遍金龍神獸

競吐風雲合沓九色洞妙混淪說經六遍一  
國男女舍炁之倫童嬰其顏金玉其身不知  
有死食炁游神說經七遍天垂碧玉地變黃  
金紅露飄注甘醴冲盈說經八遍金翅不生  
神龍夜鳴五嶽收煙八景現形說經九遍玉

卷第十六

海揚波碧山秀榮飛仙來朝雲輅鳳旌說經  
十遍地藏甘露七寶均生頑堅濁礎瑞光化  
成是時一國是男是女莫不傾心皆受護度  
咸得長生

道言是時元始天尊說經一遍東方鍊炁變

第十

三

仙至真大神無鞅之衆浮空而至說經二遍  
南方鍊炁變仙至真大神無鞅之衆浮空而  
至說經三遍西方鍊炁變仙至真大神無鞅  
之衆浮空而至說經四遍北方鍊炁變仙至  
真大神無鞅之衆浮空而至說經五遍東北

鍊炁變仙至真大神無鞅之衆浮空而至說經六遍東南鍊炁變仙至真大神無鞅之衆浮空而至說經七遍西南鍊炁變仙至真大神無鞅之衆浮空而至說經八遍西北鍊炁變仙至真大神無鞅之衆浮空而至說經九遍上方鍊炁變仙至真大神無鞅之衆浮空而至說經十遍下方鍊炁變仙至真大神無鞅之衆浮空而至十遍周竟十方鍊炁變仙天真大神一時同至一國男女傾心歸仰來者聞於妙炁彌塞普遍泛此浩蕩無量俱來

形同於氣氣同於形無有東西及以涯涘種種人物男女相貌忽出忽沒忽隱忽顯遍一大國烝皆散滿非可禁止於是元始含笑出紫金光明寶掌五指手相望烝歛約瑩然開顯即見諸天一切衆生聽法真察無量大道威神冥空天界一切神司大俱吒鬼皆在光氣之內稽首作禮旋匝座下願聞法要眇眇之中去地百丈元始登引天真大神上聖高尊妙行真人十方鍊烝變仙至真諸大神王無鞅數衆俱入光烝之內一切天人見元始

天尊上聖高尊如處寶珠及淨瑠璃天海交  
映渾渾空碧光照內外潔無纖翳見十方空  
湛同天眼一切真仙仰看歌詠步虛禮拜惟  
見拂拂出入來往光融炁化不知所在國人  
廓散天境平正虛通踈徹元始即於炁觀有  
無之中說經都竟衆真監度以授於我當此  
之時喜慶難言法事粗悉諸天復位恍惚之  
間空炁合體寂無遺響是時一切天司三辰  
二景主運轉機一切真神始悟異因炁變神  
移莫知所緣乃識元始欲說鍊炁變仙最上

卷第十六

妙道先現斯瑞諸天真仙一切天人遇值經  
法普得濟度全其天年無有中傷傾土歸仰  
識道忘心炁鍊炁明炁大炁剛炁空炁淵炁  
冲炁運炁有炁無炁變炁仙言不唱宗口不  
命物齊同慈愛異骨成親國安民豐欣樂太  
平經始出教一國鍊氣悟十二法以炁合道  
以道合心心合於神神變為仙宗奉禮敬皆  
得度世

道言元始天尊說經中所言並是諸天上帝  
鍊炁變仙生神易骨隱韻之音亦是十方變

氣變仙至真大神內諱鍊炁變仙之隱名也  
非世之常辭上聖已成真人通玄究微能悉  
其章炁已超登聖地升入無形猶固鍊之誦  
之十過諸天召炁萬帝變仙天地返元氣如  
淵泉山鍊為炁地鍊為炁天鍊為炁人鍊為  
炁三景萬象皆鍊為炁炁無形端恍惚存亡  
人能識之變神為仙未能識氣未知鍊道齋  
戒誦經真炁自生鍊炁自然天地自應三辰  
不行群魔束形鬼精滅爽回屍起死白骨變  
仙至學之士誦之十過則精血化炁炁達百

卷第十六

川五臟六腑不逆無偏自有入無炁鍊綿綿  
綿綿永存變神為仙則五帝列侍三元發煙  
魔精喪膽鬼官揚鞭滌蕩九醜炁極通玄濟  
病度死絕命更生所以爾者學士鍊氣未明  
體未洞真名制萬炁炁登天門炁還天門不  
知無形德可伏御地祇束縛魔靈但却死而  
已氣鍊得生輕誦此章炁不光揚流精玉化  
塞闕明堂玄曹記言注子餘殃供養尊禮門  
戶興隆世世昌熾與善因緣萬災不干神明  
護門斯經尊妙獨步玉京度人無量為鍊炁

變仙萬道之宗巍巍大範德難可勝

道言凡誦是經十過諸天氣到億曾萬祖幽  
寬苦矣既滅之後皆化為炁炁不經鍊冥漢  
不生受誦氣鍊皆即受度上升朱宮格皆九  
年受化更生得為貴人而好學至經功滿德  
就鍊炁變仙飛昇金闕遊宴玉京也上學之  
士修誦是經皆即受度飛昇南宮世人受誦  
則延壽長年後皆得作尸解之道形隨炁出  
化入無門寬神合氣氣結成神不經地獄即  
得返形泛氣太空此經微妙普度無窮一切

卷第十六第七

天人莫不受慶無量之福生死蒙惠上天所  
寶不傳下世至士齋金寶效心盟天而傳輕  
泄漏慢殃及九祖長役鬼官侍經五帝玉童  
玉女各六十四人營衛神文保護受經者身  
道言正月長齋誦詠是經鍊炁鬱青為上世

亡冤故炁鍊新斷地司牽役復連冢訟度上

南宮七月長齋誦詠是經氣鍊空白身變神  
仙諸天書名玉籙素契削死上生十月長齋  
誦詠是經炁鍊太黃為道王帝主君臣父子  
召炁九天天福炁冥安鎮國祚保天長存世

世不絕常為人君安鎮其方永享太平八節  
之日誦詠是經炁鍊九星化為九色戴九履  
一左三右七二四扶身六八挾足氣遠九宮  
變為真身得為九宮真人本命之日誦詠是  
經氣鍊太微自干入支六甲從官一炁化奇  
寃神澄正萬炁相隨不經苦惱神變希夷三  
界奉輪五天揚麾萬神朝禮名書上天功滿  
德就飛昇上清

道言行道之日皆當香湯沐浴齋戒入室  
東向叩齒六十四通上聞六十四天心拜

卷第十六第八

六十四過閉目靜思身坐青黃白三色雲  
氣之中內外翁冥有青龍白虎朱雀玄武  
獅子白鶴羅列左右日月照明洞煥室內  
項生圓象光映十方如此分明密呪曰

無上玄元太上道君召出臣身中三五功曹

齒十

七

左右官使者侍香玉童傳言玉女五帝直符  
直日香官各六十四人關啓所言今日言慶  
長齋清堂修行至經無量度人願所啓上徹  
徑御

無上六十四天元始上帝至尊几前畢

靈寶无量度人上品妙經

引炁三十二過東向誦經

元始無量度人上品妙經

元始洞玄靈寶本章鍊炁變仙九變度人道

氣隱韻離合自然混洞太无混无為虛虛為

空體炁與空俱炁為太真妙入玄無炁為道

性不屬有無變化通神神與炁俱炁非氤氲

卷第十六

炁非呼吸炁無蒸出炁非雲煙炁非形質真  
炁無體彊有炁名炁能生化炁能變遷炁能  
堅剛炁能返還炁能長久炁能綿綿我炁非  
物能生衆物我炁無情能化有情炁爲道母  
炁爲大神動而爲有靜而爲空化生玉京蕭  
臺鬱我大羅玉清金闕玉房紫閣朱庭真炁  
流間化結上真無炁不光無炁不明無炁不  
立無炁不成無炁不度無炁不生是爲大梵  
玄中之玄派分支析如環相連蟠延屈回紫  
炁白煙上下無常剛柔有方高聖靈仙萬帝

千真混化一炁鍊而變仙譬諸世間山海樓  
闕萬物榮繁智蠢賢愚上宰下官皆從炁生  
受鍊變遷炁無生死炁無頗偏隨感而應炁  
妙相傳若亡若存眇眇三便虹京瓊池日澤  
藥淵大行梵炁周迴十方化生度人不死之

由十

神化生南極長生大君化生鍊炁變仙大神  
化生道炁自然威神化生上清神炁紫君鍊  
化元炁始生變仙至真尊神炁存不死無量  
度人今日校錄諸天臨軒

東方無極鍊氣變仙長生大聖無量度人

卷第十六

南方無極鍊氣變仙長生大聖無量度人  
西方無極鍊氣變仙長生大聖無量度人  
北方無極鍊氣變仙長生大聖無量度人  
東北無極鍊氣變仙長生大聖無量度人  
東南無極鍊氣變仙長生大聖無量度人  
西南無極鍊氣變仙長生大聖無量度人  
西北無極鍊氣變仙長生大聖無量度人  
上方無極鍊氣變仙長生大聖無量度人  
下方無極鍊氣變仙長生大聖無量度人  
十方至真鍊氣變仙長生度世無量大神並

乘梵炁變成紫雲碧琳之輦瓊鳳之輿黃蓋  
素輪驂駕九龍三炁之輶景雲之幟流火之  
鈴鳴金考革撼響帝鐘前鳴玉童齊唱後吹  
玉女茄鳴獅子辟邪嘯歌雍雍八極開圖五  
帝奏煙億乘萬騎浮炁而來含空降光監真  
度生諸天丞相太素上宮主道攝炁變仙大  
神執籙把籍齊到帝前隨所應度嚴校諸天  
普告三界無極神鄉泉曲之府北都羅酆三  
官九府十二河源上解祖考億劫種親陰屍  
滯魄萬炁魔覓身謝三官覓炁久凝宿業如

風飄流惡根炁無生死但有杳冥識念憑炁  
遊停何依善化福堂惡化炎池性因識迷隨  
炁所之一如在世驚喜笑啼魔炁爲吏聿來  
訊之竟炁飄揚憶念含悲元始道恩攝炁鍊  
持積寃成和積故成新死炁蕩化落滅罪根  
不得拘留逼合鬼群元始符命時刻昇遷返  
炁太无混道元胚天魔六合火獄冰池業盡  
炁鍊玉光洞微寂然空廓獨存希夷死竟受  
鍊仙化天竒道爲我身炁爲我神念世迷妄  
徒取悲辛鍊炁變仙無量度人生身受度劫

劫長存隨劫輪轉與天齊年永度羸染漏念  
輕欲業道天牢冤魄不經超凌三界逍遙上  
清上清之天天炁至真無色之境梵行

東方十六天

此炁大梵初無起止皆是道性元神所現天境本無體象道化爲真此名炁觀亦非鍊變而現天真自然太空之玄妙也

不歷星度次舍在無色之境出陰陽之分皆上聖之居

宛空明梵天

帝空冲嬰

紫元伯无天

帝明子歸

燕景鬱需天

帝虛父自康

冲正洞極天

帝耀朱駢羅

卷第十六第二

明辨元黃天

帝太元留延

理重淵虛天

帝道時建華

覺真權衆天

帝弗泰用師

清微黃羽天

帝鬼度監

救明望世天

帝常遊江因

越甫問時天

帝蘇來鳩生

炁靈昭浦天

帝慶皇上宗

玄虛光範天

帝招集女寬

上極四種天

帝羗陳綏

易化正鎮天

帝杜常生

孤置八範天

帝孔堅明婁

九炆玉定天

帝智定嚴

南方十六天

丹摩逸化天

帝崇真斯臺

斗鑑虛輿天

帝沙劫子安

帝光無濟天

帝望基明

朱陵耀光天

帝洞雲无真

紫景斷白天

帝宛醯羅

降仙台元天

帝呼牛演池

爽至謝深天

帝鹿堂子家

鬱江斯蟬天

帝日曜春

估侯利真天

帝曾和太空

谷玄道用天

帝吐明芝生

李步明微天

帝圖何部多

神廬昌應天

帝隨宮祕主

度正克宗天

帝舜角明基

大火赤衣天

帝翰覺賢

青帝洞逸天

帝江平延孫

亥城百化天

帝奚流夜阨

西方十六天

靈寶度量人上品妙經

金離光啓天  
極皇玄運天  
周延靜平天  
寶宋榮滋天  
慶真美元天  
祭無神肆天  
高降質華天  
道期延紀天  
童利帝鋤天  
鼎神化微天

帝敷妙丙昌  
帝裕主洪肇  
帝光明王  
帝明梵子璫  
帝廬姜上明  
帝允知賢成  
帝柏監文英  
帝屈墮彌  
帝西隅周微  
帝龍恒師

太安順極天

帝震恭孝文

窮熙耀仙天

帝綠羅千

紫都月廣天

帝世諸叢名

崔康節時天

帝欵魚夏瓊

境碧落珉天

帝絳飛酬京

普海洞幾天

帝酉子都

北方十六天

魚泗統真天

帝禽來護

虎伽霹方天

帝咸榮半武

仇淵落余天

帝台真回元

金鼎正濟天  
皇利孔修天  
堯樞精靈天  
神吟蕭都天  
慶著嶽符天  
琛明除苦天  
鄴信考孚天  
政入豹部天  
耿壘瀝泉天  
鬼儲史樂天

帝總靈司幾  
帝饒牢夫  
帝構華伯皇  
帝定思狂  
帝燕仙壽躬  
帝琴願歌  
帝希清然寧  
帝脫喬孟嬰  
帝瀆庭九公  
帝路熙載靈

靈馥海輪天

帝神文屈兵

上極霄壇天

帝召天提平

碧常洞元天

帝珞池宋程

六十四天六十四帝諸天隱諱諸天隱名天  
中空洞鍊炁靈壹諸天隱韻氣中之音氣中  
之尊氣中之神氣中大魔氣中之靈九變十  
鍊合化上清道性為炁炁與空淪子未能鍊  
誦此洞文子若知鍊鍊為至精氣本無鍊鍊  
為假名以子不精欲染愛憎業為穢垢情為  
玷痕害子道炁去于華榮靜以鍊炁正以守

成鍊久炁定油然太清炁經鍊持坦夷四平  
內視八景六虛流明鍊去人道邈同道真無  
量之奧深不可詳敷落神真普度天人今日  
欣慶受度歷闕諸天請鍊炁惡斬戮邪根飛  
度三宮變仙太玄氣中真王監舉保鍊出入  
無門東斗炁青西斗炁素北斗炁冥南斗炁  
赤中斗黃庭炁鍊五斗寓變色形色形至真  
非幻滅稱惟道所適變仙齊靈青炁護寬白  
炁侍魄赤炁養和黑炁通血黃炁中胎萬道  
無越青炁仙王淨炁幽潔赤炁仙王沖淵帝

極白炁仙王浩庭凝密黑炁仙王北玄景蔚  
黃炁仙王子丹詡陸五炁仙王萬神之宗泛  
駕遊空總領天真道炁為龍麟車虎旗霹靂  
靈霞幟燄輝赫興大天功上天度人變攝飛  
空摧魔束袂嚴攝止艷變仙受命下掃不祥

六天故氣腥血八衝鬱動無光盤結橫攻慘  
慘穢氣神鬼伏蹤隱形其間與世為凶帝命  
九老勅攝羅艷電火前驅鞭虎呵龍遍天發  
鍵擲火九重害炁千里鍊為碧空大帝嘯咤  
玉真騁容寶輪軋霄紫景溶溶敢有干試拒

遇上真鑲天斬頭金斧戮形天運地旋風號  
火噴震撼神丘紫微攝京萬萬千千檢鬼姓  
名三官鼓筆五嶽竦庭不得容隱金馬驛呈  
普告無窮萬神咸聽三界五帝列言上清

洞无玉明龍變神剛眇眇億劫混沌之中上  
氣無色下亦無淵中乃洞虛鍊炁成天天上  
天下無幽無冥無形無影無極無窮溟滓大  
梵遼廓無光氣鍊赤明運度自然元始安鎮  
九空變仙氣鍊成有雲霞霧煙氣鍊成無神  
境變仙氣凝大梵靈書洞篇火鍊水瑩十華

麗鮮八角垂芒金字碧天玉文煥空虎卧龍  
潜鳳炁鶴迹星鈞網連三元正體萬天盟傳  
保制劫運使天長存梵炁彌羅萬範開張元  
氣流演六十四天輪轉無色周迴十方旋空  
歷常迴赤流玄八十一分總炁上元九光混  
合氣入玄玄玄中太皇上帝高真泛氣妙庭  
吟詠玉梁柱火冶鍊流響雲營妙空涵炁神  
風合煙紫素瓊萸黃白變仙少青朱精和合  
成真自然鍊變神真自成真中有神長生大  
君扶攜青華顧接帝嬪愷宴九華三天玉宸

太一泥丸司命住心桃康合延布炁生神黃  
老鍊變保命生根上遊上清出入華房八冥  
之內細微之中下鎮人身泥丸絳宮中合太  
虛空爲道毋炁借空居變化無常混合百神  
九變迴靈萬炁變仙仙道貴生無量度人神  
蓋腦官上開天門飛天命寬罪福禁戒宿命  
因緣普受開度死炁生神神變爲仙上聞諸  
天諸天之上各有生門中有空洞鍊氣之章  
仙聖靈篇辭卷高真

第一天真帝皇鍊炁洞碧真王之音

天光眇微

靈氣無期

飛騰洞空

左右流之

碧濤漪漪

鍊此瓊鞋

策虛維何

跨斗躡箕

第二太真帝皇鍊炁洞青真王之音

神馬無行

我氣非征

道為氣天

王宮連連

靈娥帶月

龍車朝發

掇雲飛香

平海蒙雪

第三太真帝皇鍊炁洞紺真王之音

上帝九門

日光其暎

氣嚙晨霞

鍊之長存

青紅紺光

注我黃房

洞芝可羹 鋪嬰慶良

第四妙真帝皇鍊炁洞蒼真王之音

天玉其蒼 拊球琅琅 炁鍊入空

典形相忘 變神變仙 外玄內黃

道受邃妙 非世所藏

第五極真帝皇鍊炁洞黃真王之章

鳳車虎璋 東揖扶桑 紫書龍蟠

仙伯垂璫 陽氣如吹 仰御朱光

謁帝變仙 鍊炁中黃

第六素真帝皇鍊炁洞紫真王之章

赤黑未分

求卵於鷄

咽彼金色

氣合希夷

鍊骨為空

氣與形通

我道妙微

陋仙何知

第七虛真帝皇鍊炁洞赤真王之章

白虎銜璧

轉此赤日

氣鍊彭亨

知三得一

仙人玉顏

變此九七

混洞無光

端坐瓊室

第八帝真帝皇鍊炁洞綠真王之歌

青黃變綠

不疾而速

我神為車

披雲輕轆

玉女華殊

我乘東驅

一笑墮珥

淵有雙魚

第九玉真帝皇鍊炁洞白真王之章

絳臺千級

飛仙可入

氣鍊如繩

龍腰玉餅

雲液返童

氣成八風

朝宴崑崙

名登錦丘

第十金真帝皇鍊炁洞玄真王之歌

我持素籥

鍊氣消息

星垂金弧

網流五尺

披雲俯光

吸玄咀液

道成變仙

帝家淵碧

此三景之上飛空之中真王歌音參洞章

誦之百遍名度南宮誦之千遍真王保迎萬  
遍道備飛昇太空過度三界位登仙公有聞  
靈音魔王東形勅制九天侍衛送迎拔出地  
戶故氣黑赤百結大關三刑四殺五道六害  
祖炁升遷永離鬼官寬度朱陵炁鍊更生是  
謂無量普度無窮有祕上天文諸天共所崇  
泄慢墮地獄故氣沒祖翁

道言此洞章並是諸天上帝及鍊氣變仙真  
王隱祕之音皆是大梵之言非世上常辭言  
無韻麗曲無華宛故謂玄奧難可尋詳上天

所寶秘於玄都紫微上宮依玄科四萬劫一  
傳若有至人齋金寶傾心依舊格告盟上清  
然後而付焉

道言天地鍊炁亦有終窮三光鍊氣亦有虛  
盈至聖神人亦有氣數末學之氣亦有絕傷

凡有此災同契皆當齊心修齋六時行香十

遍轉經福炁立降害炁流祥無量之文普度

無窮

道言夫末學道淺或鍊炁未功運應滅度氣

停太陰臨過之時同學至人爲其行香誦經

十過以鍊屍炁如法竟神徑上南宮隨其學  
功計日而得更生轉輪不滅變神為仙

道言天地氣終亦當修齋行香誦經星炁錯  
度日月失明亦當修齋行香誦經四氣失度  
陰陽不調亦當修齋行香誦經國土有災兵  
氣四興亦當修齋行香誦經疫氣流行兆民  
死傷亦當修齋行香誦經師友氣絕亦當修  
齋行香誦經夫齋戒誦經功德甚重上消天  
災保鎮帝王下獲害炁以度兆民生死受鍊  
其福難勝故曰無量普度天人

道言凡有是經能為天地帝主兆民行是功德氣災之日發心修齋燒香誦經十過皆諸天記名萬神侍衛右別聖人剋得為聖君金闕之臣諸天記人功過毫分無失炁中真王亦保舉爾身得道者乃當洞明至言也

諸天中大梵隱語無量音 道君撰

元始洞玄鍊炁變仙玉篇

東方八天

潭無景憐 起寂洞珉 太極竟羅

玄牡犒澠 玉幾纏眸 碧畢完辰

霞廓益眇 昆池鏡騰 虛蕩醜訐

華延目君 法達幽演 逗雲高寅

吹昂葛希 樊堂晉澄 愛秘曲賴

滋球侍巾

南方八天

第十

金基明俞 控志煙陵 清都閻文

舒馘屏迎 暮孤燕飛 赤冀懋曾

宛利皇建 喬強預洗 辨淨普徒

微立霸形 花析若龍 道羅韻聲

薦巴耶尼 九日玄京 烏佳求媚

十八

碧除隱彌

西方八天

泉曲監阿

齒精浮黎

覺逸湛定

絳闕侔兮

帝忽茲投

鈎圖建施

流育律遂

柔殊巷非

林振即盧

苟旨元衣

岬岩天山

鷲樓綿披

僅房遠交

軒多瓊曲

爛絕送治

寬動太儀

北方八天

蔚蘭未司

局丹耀禧

崑龍煙梁

精泓蘇界 氣道神散 空中煩瑣

德鎮洞后 題鉏乾羅 霞落美太

敕淵捧猊 璧瑤負月 追冥素旗

出氣度玉 金道八埤 黃臺四空

虎首澆歌

第十

十九

道言此諸天中大梵隱語無量之音鍊氣變  
仙九宮玄文天真皇人知氣之元得氣之根  
氣化廓落縱橫成文丹筆書之八角垂輝疊  
玉排瓊其方一文四景耀明昔書其文以為  
正音有知其音能齋而誦之者道炁鍊真神

隱冲冥諸天真王下觀其身書其功勤上奏  
諸天萬神朝禮地祇侍門大勳真王保舉上  
真道備剋得遊行三界昇入金門此音無所  
不鍊無所不營無所不化無所不明鍊炁變  
仙自然之音也故誦之致飛天下觀上帝遙

唱萬神朝禮三界侍軒群袂束首鬼精自亡  
氣激神宮玉音自鳴天球振響道空鬱清海  
平嶽竦碧煙金城鶴觀壘壁仙都虛盈萬仙  
駢擁紫蓋丹旌天地鍊炁變化昊京冥夷超  
忽大量玄玄也

四十二第十六卷

---

元始無量度人上品妙經卷之六十

---